


UNIVERZITET U SARAJEVU
FAKULTET ISLAMSKIH NAUKA



Dr. Enes Karić, redovni profesor (oblast Tefsir)
Fakultet islamskih nauka u Sarajevu, predsjednik

Dr. Džemal Latić, redovni profesor (oblast Tefsir)
Fakultet islamskih nauka Univerziteta u Sarajevu, član

Dr. hfz. Safvet Halilović, redovni profesor (oblast Tefsir)
Islamski pedagoški fakultet Univerziteta u Zenici, član

PREDMET: Izvještaj o izboru nastavnika u zvanje *redovni profesor za naučnu oblast Kiraet*

VIJEĆU FAKULTETA ISLAMSKIH NAUKA U SARAJEVU
UNIVERZITETA U SARAJEVU

Na osnovu člana 103. Zakona o visokom obrazovanju ("Službene novine Kantona Sarajevo", br.: 33/17), člana 201. Statuta Univerziteta u Sarajevu, Odluke Senata Univerziteta br: 01-1-40/22 od 26. 01. 2022. godine, Odluke Senata br: 01-4-95/22 od 30. 03. 2022. godine kojom se naučna oblast *Tefsira* i oblast *Filologije Kur'ana* utvrđuju kao adekvatna naučna oblast prilikom imenovanja Komisije za pripremanje prijedloga za izbor nastavnika u zvanje redovnog profesora za naučnu oblast Kira'et, Saglasnosti Rijaseta, Uprave za obrazovanje i nauku br: 02-03-2-5232/21 od 23. 12. 2021. godine, Odluke Vijeća Fakulteta islamskih nauka Univerziteta u Sarajevu broj: 03-03- vanredna elek. sjed. – 387/22 od 07. 04. 2022. godine imenovani smo u komisiju za pripremu prijedloga izvještaja o izboru u akademsko zvanje redovni profesor za

naučnu oblast Kiraet (učenje Kur'ana) po osnovu Konkursa objavljenog u dnevnom listu *Oslobođenje* 03. 02. 2022. godine i web stranici Fakulteta islamskih nauka u Sarajevu.

Na raspisani konkurs prijavio se jedan kandidat:

1. **Dr. Dževad Šošić, Nerkeza Smailagića 14/9, Novi Grad, Sarajevo**, prijava na Konkurs za izbor u akademsko zvanje redovni profesor, prijava putem protokola Fakulteta br.: 144/22 dana 14. 02. 2022. godine.

Uz prijavu na konkurs priloženi su sljedeći dokumenti:

- diploma o završenoj odgovarajućoj visokoj stručnoj spremi, ovjerena fotokopija, stečena na Fakultetu za Kur'an u Medini 02.07. 1997. godine,
- diploma o naučnom stepenu magistra islamskih nauka u oblasti Kiraeta, ovjerena fotokopija, stečena na Fakulteta islamskih nauka u Sarajevu 22. 06. 2005. godine,
- diploma o stepena doktora islamskih nauka u oblasti Kiraeta na Fakultetu islamskih nauka u Sarajevu 01. 12. 2010. godine,
- CV dr. hfz. Dževada Šošića (u printanoj i elektronskoj formi),
- izvod iz matične knjige rođenih,
- uvjerenje o državljanstvu,
- **potvrda** o provedenom izbornom periodu u zvanju vanredni profesor,
- **potvrda** o mentorstvu u izradi doktorskih i magistarskih radova (**dva** doktora nauka i **pet** magistara),
- **formular** sa podacima u izbor u nastavničko zvanje na visokoškolskim ustanovama Univerziteta u Sarajevu,
- **dvije** objavljene knjige,
- **deset** objavljenih naučnih radova iz oblasti Kiraeta u priznatim publikacijama koje se nalaze u relevantnim naučnim bazama podataka.

Prijava na konkurs je blagovremeno u zakonski dozvoljenom roku podnesena. Kandidat ispunjava formalne i proceduralne uvjete konkursa.

Nakon što smo pregledali dostavljenu dokumentaciju, a u skladu sa Zakonom o visokom obrazovanju Kantona Sarajevo te Pravilima Univerziteta u Sarajevu i Pravilima Fakulteta islamskih nauka u Sarajevu, Vijeću Fakulteta podnosimo sljedeći:

IZVJEŠTAJ

Nakon uvida u dokumentaciju i objavljenih propisanih procedura u tekstu Izvještaja donosimo najznačajnije činjenice koje su poslužile kao temelj za prijedlog koji Komisija upućuje Vijeću Fakulteta.

1. BIOGRAFSKI PODACI

1.1. Obrazovanje

Dževad Šošić je rođen u Drvetinama, općina Bugojno. Oženjen je i otac četvero djece. Hfz. Dževad Šošić svoje osnovno školovanje završava u Gornjem Vakufu 1983. god., da bi iste godine nastavio školovanje u Gazi Husrev-begovoj medresi u Sarajevu.

Tokom školovanja u Medresi uči hifz pred profesorom kiraeta Hamdijom ef. Begićem i uspješno ga okončava 1987. Iste godine izlazi pred hafisku komisiju Rijasetu IZ-e i uspješno polaže hifz čime stiče časno zvanje – hafizul-Kur'an.

Godine 1987. odlazi u Saudijsku Arabiju na Islamski univerzitet u Medini gdje nastavlja svoj studij. Prvo završava jednogodišnji kurs za učenje arapskoga jezika predviđen za studente koji ne govore arapski, a zatim se slijedeće godine, tj. 1991. upisuje na Fakultet za Kur'an (Kullijetu'l-Kur'ani'l-Kerim).

Tokom studija ostvario je veoma zapažen uspjeh u sticanju znanja, posebno iz oblasti kiraeta Kur'ana. O tome svjedoči njegova Idžazetnama za sedam kiraeta sa senedom do Poslanika, a.s., koju je stekao pred profesorom Talâlom b. Ahmedom Dinom, predavačem kiraeta na tom Fakultetu.

Godine 1997. diplomirao je na Fakultetu za Kur'an i vraća se u Bosnu i Hercegovinu. Po dolasku u Sarajevo upisuje postdiplomski studij na FIN-u, Katedra za tefsirske znanosti, te nakon položenih ispita predlaže magistarsku tezu "Veza između kiraeta i ortografije Osmanovih mushafa" pod mentorstvom prof. dr. Enesa Karića koja je i prihvaćena na sjednici Nastavno-naučnog vijeća Fakulteta održanoj 28. 1. 2003. godine, a odbranjena 29. 9. 2004. Slijedeće, 2005. godine prijavljuje doktorsku tezu pod naslovom "Kiraeti u tefsiru El-Džami' li ahkami'l-Kur'an imama Kurtubija" koju je uspješno odbranio 2009. godine te tako stekao naučno zvanje doktora islamskih nauka u oblasti Kiraeta.

1.2. Kretanje u karijeri

Godine 1990. počinje raditi u Zagrebačkoj džamiji u svojstvu imama-praktikanta te na toj dužnosti ostaje osam mjeseci.

26. oktobra 1997. počinje raditi kao asistent na predmetu Kiraet na FIN-u.

Od 2000. god. angažiran je kao glavni imâm džamije “Kralj Fahd.”

Od 2004. – 2011. radi kao viši asistent na predmetu Kiraet.

Od 2011. – 2016. radi kao docent na predmetu Kiraet.

Od 2016. radi kao vanredni profesor na predmetu Kiraet.

Od 2012. rukovodi Katedrom za kiraet.

Godine 2010. izabran je za člana Osnivačkog odbora Svjetske organizacije za učenje hifza sa sjedištem u Džeddi, Kraljevina Saudijska Arabija.

Od 2013. vodi Fondaciju “Hafiz Fadil Fazlić” za promoviranje hifza na FIN-u.

2. NAUČNO-ISTRAŽIVAČKI RAD

2.1. Objavljene Knjige nakon izbora u zvanje vanrednog profesora

1. *Tedžvid: komentar Džezzerije*, El-Kalem, Fakultet islamskih nauka, Sarajevo, 2019., broj str. 170., recenzenti: prof. dr. hfz. Halil Mehtić i prof. dr. Amrudin Hajrić

Sažetak o knjizi:

Najrašireniji način učenja Kur’ana, prakticiran gotovo u svim krajevima svijeta gdje muslimani žive, jeste Hafsov rivajet (predanje). Većina Mushafa pisana je ili štampana sukladno tom rivajetu. Stoga je razumljivo što najveći broj tedžvidskih priručnika tretira tedžvidska pravila shodno pravilima Hafsovog rivajeta. S ciljem da se na brži i jednostavniji način usvoji i zapamti teorija tedžvida, kira'etski učenjaci skladali su kaside u kojima su sadržana tedžvidska pravila. Stihovi su strukturirani prema tematskim cjelinama ili poglavljima, a sami tekstovi kasida nazivaju se *metnovima*. Među najpoznatijim kasidama iz tedžvida je *El-Mukaddima* autora Muhammeda b. Muhammeda el-Džezzerija, poznata pod imenom *El-Džezzerija*.

Ovaj komentar *El-Džezzerije* na bosanskom jeziku baziran je na tedžvidskim iskustvima i metodološkim opredjeljenjima samog autora, naravno, uz konsultaciju relevantnih izvora i literature. Prilagođen je domaćim jezičkim i stručnim standardima, da bude dovoljno znanstven i dovoljno pojednostavljen za sve one koji se interesiraju za tedžvidsku nauku.

Radi preglednosti sadržaja i dostupnosti za memoriranje i ponavljanje, tekst (metn) *Džezzerije* dat je u cijelosti na izvornom arapskom jeziku uz prijevod na bosanski jezik, zatim je u svrhu obrade razdvojen na poglavlja kao što je u izvorniku, dok je komentar sistematiziran prema redoslijedu stihova iz svakog poglavlja. Poslije jednog ili više citiranih stihova, zavisno od tematske cjeline, dat je prijevod na bosanski jezik, zatim sažeto objašnjenje značenja samih stihova, nakon čega slijedi detaljnije razmatranje tematiziranih tedžvidskih načela i pravila.

2. *Tedžvidske osnove sedam kira'eta: komentar Šatibijje*, El-Kalem, Fakultet islamskih nauka, Sarajevo, 2021., broj str. 212, recenzenti: prof. dr. Enes Karić i prof. dr. hfz. Halil Mehtić.

Sažetak o knjizi:

Analitičkim pristupom tekstu *Šatibijje*, najpoznatijem djelu iz oblasti kira'eta pisanom u poetskoj formi, svojim stručnim komentarima i detaljnim pojašnjenjima autor je u ovoj knjizi prezentirao tedžvidske osnove sedam mutevatir kira'eta. Sadržaj je sistematiziran prema poglavljima *Šatibijje*, odnosno prema stihovima koji u sklopu datog poglavlja čine jednu tematsku cjelinu. Autor piše akademskim stilom koristeći jasne i precizne formulacije, naučni vokabular i stručnu terminologiju referirajući se pri tome na relevantnu naučnu literaturu. Knjiga se sastoji od Uvoda, Prvog i Drugog dijela te Indeksa stručnih termina i pojmova.

U uvodnom dijelu prezentiran je koncizan prikaz i jasan pregled najvažnijih informacija o povijesti kira'etske nauke kao i najrelevantnijoj klasičnoj literaturi koja se koristi u toj, u islamskoj pobožnosti, obrazovanju i kulturi, živoj nauč(ičk)oj oblasti.

Prvi dio čini okosnicu knjige, a sadrži upućene, kompetentno sročene i strukturalno napisane komentare stihova iz *Šatibijje* koji tretiraju tedžvidske osnove sedam kira'eta ('usulul-kira'at).

U Drugom dijelu su detaljno objašnjene postojeće metode praktične primjene sedam kira'eta poznate pod stručnim ili akademskim nazivom džem'ul-kira'at – naučničko i teorijsko objedinjavanje kira'eta.

Osim naučnog i stručnog važenja, djelo "Tedžvidske osnove sedam kirā'eta: komentar Šatibijje" može poslužiti i kao nastavničko uputstvo kako se treba punovažno i punoznačno prevoditi zakučasta i vrlo komplicirana arapska kirā'etska terminologija u bosanski jezik. Na jedan poseban način ovo djelo sadrži važna izlaganja s područja razvoja ili evolucije kirā'etskih nauka i disciplina kroz povijest prvih stoljeća islama. Također, nije nevažno da ovo djelo sadrži i pravo obilje doksografskih podataka o autoritetima koji su stoljećima osnivali svoje kirā'etske škole i koji su razvijali i sistematizirali kirā'etske nauke i discipline.

Budući da se prvi put na bosanskom jeziku pojavljuje komentar *Šatibijje* s tedžvidskim osnovama sedam kira'eta, ova publikacija kurra hfz. Dževada Šošića bit će veoma koristan literarni izvor sadašnjim i budućim generacijama naših teologa, imama i muallima, prije svega našim hafizima koji žele stručno usavršavanje u sferi učenja Kur'ana i stjecanje časnog zvanja „kurra hafiz“.

2.2. Objavljeni naučni i stručni radovi nakon izbora u zvanje vanrednog profesora

1. "Pojam preferencije u kiraetskoj nauci", *Zbornik radova FIN-a*, Sarajevo, 2017., br. 20, str. 11- 23. (EBSCO, COBISS, CEEOL)

U radu se odgovara na pitanje kako shvatiti pojam *preferencije* među kiraetima u kontekstu ograničavanja kiraeta, počevši od predajnih puteva, pravopisnih mushafskih rješenja,

lingvističkih kriterija pa sve do tefsirske argumentacije samih razloga i principa kiraetske divergencije.

2. „Važna načela tedžvidske primjene u Hafsovom rivajetu”, *Zbornik radova FIN-a*, Sarajevo, 2017., br. 21, str. 51- 63. (EBSCO, COBISS, CEEOL)

Rad predstavlja jezgrovitu sintezu važnih načela praktične primjene određenih tedžvidskih pravila, primjene na osnovu koje se ogleda nivo kvalitetne kiraetske interpretacije kur'anskog teksta, ali i određuje stepen korektnog i pogrešnog, početničkog i naprednog, prosječnog i umjetničkog učenja Kur'ana.

3. „Metodologija objedinjavanja kiraeta“, *Zbornik radova FIN-a*, Sarajevo, 2018., br. 22, str. 15-25. (EBSCO, COBISS, CEEOL)

U radu su prezentirani načini praktične implementacije kiraetskih predajnih puteva (varijanti) na osnovu principa utvrđenih u tradiciji stjecanja kiraetskih idžazetnama.

4. „Razumijevanje osnovne terminologije tedžvida, *Zbornik radova IPF u Zenici*, Zenica, 2019., br. 17, str. 267- 282. (EBSCO, Central and Eastern European Online Libraly, Index Copernicus International, Ulrich's Periodicals Directory, Euro Pub, Crossref)

Imajući u vidu poteškoće u razumijevanju predmeta kojim se bavi tedžvidska i kiraetska nauka te manjkavosti u razumijevanju osnovnih terminoloških pojmova tih dviju kur'anskih disciplina, ovaj rad je koncipiran tako da pomogne u rasvjetljavanju spomenute problematike.

5. „Tedžvidske osnove Kalunovog rivajeta“, *Zbornik radova FIN-a*, Sarajevo, 2019., br. 23, str. 85-101. (EBSCO, COBISS, CEEOL)

Rad je posvećen Kalunu, prvom raviji imama Nafi'a prema redosljedju ustanovljenom u poznatom djelu iz kiraeta *Es-Seb'a*, autora Ibn Mudžahida. Prilikom primjene metode praktičnog objedinjavanja sedam ili deset mutevatir kiraeta prvo se uči po Kalunovom rivajetu te se na osnovu tog rivajeta razviđaju razlike u odnosu na druge rivajete, zatim se pravi redosljed realizacije postojećih razlika. Kalunov rivajet je na četvrtom mjestu prema raširenosti u islamskom svijetu, poslije Hafsovog, Veršovog i Durijevog rivajeta.

6. „Tradicionalni pristup kirā'etima“, *Zbornik radova IPF u Zenici*, Zenica, 2020., br. 18, str. 39-54. (EBSCO, Central and Eastern European Online Libraly, Index Copernicus International, Ulrich's Periodicals Directory, Euro Pub, Crossref)

U ovom radu prezentirani su najvažniji pristupi fenomenu kirā'eta, bez obzira da li se radi o povijesnom, pravnom, tefsirskom ili lingvističkom kontekstu, pristupi koji reflektiraju principe islamskog učenja sadržane u Kur'anu i Sunnetu, čime zavređuju da budu i svojevrsni „duhovni kompas“ teoretičarima, piscima, znanstvenicima i istraživačima kada govore ili pišu o ovoj tematici.

7. „Nauka o argumentaciji kira'eta“, *Anali GHB*, Sarajevo, 2020., br. 41, str. 5-17. (EBSCO, COBISS, CEEOL)

Ovaj rad nudi kratak presjek povijesnog razvoja nauke o argumentaciji kiraeta, od ranih tefsirskih doticaja s tom tematikom, preko nastanka prvih zasebnih djela iz te oblasti pa sve do savremenih specijalističkih studija i straživačkih radova.

8. „Sedam kira'eta u suri Jasin“, *Zbornik radova FIN-a*, Sarajevo, 2020., br. 24, str. 49-70. (EBSCO, COBISS, CEEOL)

U radu su prezentirana različita čitanja kur'anskog teksta shodno mezhebiga sedam kiraetskih imama, odnosno njihovih ravija kroz suru Jāsīn kao zadani egzemplarni okvir.

9. „Pristup kira'etima u Tefsiru Ibn Kesira“, *Zbornik radova IPF u Zenici*, Zenica, 2021., br. 19, str. 307-322. (EBSCO, Central and Eastern European Online Library, Index Copernicus International, Ulrich's Periodicals Directory, Euro Pub, Crossref)

Ovaj rad tretira Ibn Kesirov pristup kira'etima u djelu Tafsīr al-Qur'an al-'Azīm. U uvodnom dijelu rada, pored autorove biografije, istaknut je naučni značaj Tefsīra Ibn Kesira, pozicija koju uživa među klasičnim tefsirskim ostvarenjima, kao i njegova prisutnost u domaćoj tradiciji tumačenja Kur'ana. U glavnom dijelu rada izložen je Ibn Kesirov koncept evidentiranja kira'eta, pojašnjeni su razlozi njihovog citiranja, kao i termini koji su korišteni prilikom klasifikacije kira'eta, prezentirani su njegovi kritički stavovi spram određenih kira'etskih formi, rasvijetljen je autorov koncept pravopisnog i značenjskog razgraničavanja kira'eta, zatim je ukazano na identificiranje kira'etskih predaja s obzirom na imena autoriteta koji su ih popularizirali, počevši od vremena ashaba pa sve do nastanka prvih pisanih djela iz te oblasti.

10. „Aš-Šawkānijev pristup qirā'atima u tafsīru Faḥ al-qadīr“, *Anali GHB*, Sarajevo, 2021., br. 42, str. 5-17. (EBSCO, COBISS, CEEOL)

Jedan od mufessira koji se u svojim komentarima permanentno oslanjao na kirā'atske predaje je imam aš-Šawkāni (1173. – 1229. p. H.). U njegovom djelu *Faḥ al-qadīr al-ġāmi' bayne fannay ar-riwāya wa ad-dirāya min 'ilm at-tafsīr* uvršteni su brojni citati autentičnih i neautentičnih kiraeta. Ovaj rad je imao za cilj da analizira metodološki pristup kiraetima u spomenutom djelu te da kroz odgovarajuće egzemplare prezentira načine upotrebe kiraeta u tefsirske svrhe.

2.3. Naučno-istraživački i stručni projekti nakon izbora u zvanje vanrednog profesora

1. Od 2016. ispred Katedre za kira'et FIN-a inicirao i pokrenuo Projekat kontinuiranog stručnog usavršavanja za hafize, svršenike FIN-a u oblasti teorijskog izučavanja i praktične primjene sedam kira'eta (dosadašnji rezultati: dva nova kurra hafiza: mr. hfz. Alija Rahman i hfz. Zubejda Gobeljić);

2. Učesnik u realizaciji Projekta „Rječnik klasičnih arapskih termina“: oblast kira'et, 2021. (Voditelj projekta: prof.dr. Ahmet Alibašić).

2.4. Recenzije knjiga nakon izbora u zvanje vanrednog profesora

1. Recenzija knjige: *Tedžvid: predajni putevi Hafsovog rivajeta*, autor Abdul-Aziz Drkić, FIN, Sarajevo, 2017.
2. Recenzija knjige: *Uvod u učenje Kur'ana*, autor Halil Mehtić, Univerzitet u Zenici, IPF u Zenici, 2018.
3. Recenzija knjige: *Učenje Kur'ana napamet: upute i metode*, autor Salih Halilović, El-Kalem, Sarajevo, 2019.

2.5. Učešće na međunarodnim stručnim, edukativnim i umjetničkim skupovima nakon izbora u zvanje vanrednog profesora

1. Učešće u svojstvu člana Ocjenjivačke komisije na Svjetskom takmičenju u hifzu, tilavetu, tedžvidu i tefsiru Časnog Kur'ana u Mekki, održanom 7.-12. oktobra 2017. Riječ je o najprestižnijem svjetskom takmičenju učača Kur'ana.
2. Učešće u svojstvu predsjednika Ocjenjivačke komisije na Prvom regionalnom takmičenju u hifzu Kur'ana časnog, održanom 18. i 19. novembra 2016. u Sarajevu, u organizaciji Uprave za vjerske poslove, Fondacije „Hifz Časnog Kur'ana“ i Fondacije „Hamed b. Halid Es-Sani“ iz Katara, a pod pokroviteljstvom reisu-l-uleme Islamske zajednice u BiH Husein ef. Kavazovića.
3. Učešće u svojstvu predsjednika Ocjenjivačke komisije na Drugom regionalnom takmičenju u hifzu Kur'ana časnog, održanom 4. i 5. novembra 2017. u Sarajevu, u organizaciji Uprave za vjerske poslove, Fondacije „Hifz Časnog Kur'ana“ i Fondacije „Hamed b. Halid Es-Sani“ iz Katara, a pod pokroviteljstvom reisu-l-uleme Islamske zajednice u BiH Husein ef. Kavazovića.
4. Učešće u svojstvu predsjednika Ocjenjivačke komisije na Trećem regionalnom takmičenju u hifzu Kur'ana časnog, održanom 02.- 04. novembra 2018. u Sarajevu, u organizaciji Uprave za vjerske poslove, Fondacije „Hifz Časnog Kur'ana“ i Fondacije „Hamed b. Halid Es-Sani“ iz Katara, a pod pokroviteljstvom reisu-l-uleme Islamske zajednice u BiH Husein ef. Kavazovića.
5. Učešće u svojstvu predsjednika Ocjenjivačke komisije na Četvrtom međunarodnom takmičenju u hifzu Kur'ana časnog, održanom 19. i 20. oktobra 2019. u Sarajevu pod pokroviteljstvom reisu-l-uleme Islamske zajednice u BiH Husein ef. Kavazovića u saradnji sa Kulturnim centrom "Kralj Fahd" Ambasade Kraljevine Saudijske Arabije u Bosni i Hercegovini.

2.6. Učešće na domaćim stručnim, edukativnim i umjetničkim skupovima i seminarima nakon izbora u zvanje vanrednog profesora

1. Učešće u svojstvu predsjednika Ocjenjivačke komisije na 11. takmičenju u hifzu Kur'ana na nivou BiH, održanom 15. i 16. oktobra 2016. u Sarajevu, u organizaciji Uprave za vjerske poslove i Fondacije „Hifz Časnog Kur'ana“, u saradnji sa Svjetskom organizacijom za Kur'an i

Sunnet iz Džedde, a pod pokroviteljstvom reisu-l-uleme Islamske zajednice u BiH Husein ef. Kavazovića.

2. Učešće u svojstvu predsjednika Ocjenjivačke komisije na 12. takmičenju u hifzu Kur'ana na nivou BiH, održanom 16. i 17. septembra 2017. u Sarajevu, u organizaciji Uprave za vjerske poslove i Fondacije „Hifz Časnog Kur'ana“, u saradnji sa Svjetskom organizacijom za Kur'an i Sunnet iz Džedde, a pod pokroviteljstvom reisu-l-uleme Islamske zajednice u BiH Husein ef. Kavazovića.

3. Učešće u svojstvu predsjednika Ocjenjivačke komisije na 13. takmičenju u hifzu Kur'ana na nivou BiH, održanom 15. i 16. septembra 2018. u Sarajevu, u organizaciji Uprave za vjerske poslove Rijaset Islamske zajednice u BiH i Fondacije „Hifz Časnog Kur'ana“, u saradnji sa Svjetskom organizacijom za Kur'an i Sunnet iz Džedde, a pod pokroviteljstvom reisu-l-uleme Islamske zajednice u BiH Husein ef. Kavazovića.

4. Učešće u svojstvu predsjednika Ocjenjivačke komisije na Prvom takmičenju u hifzu tri džuz Kurana-i-Kerima na nivou Rijaset IZ u BiH, održanom u Sarajevu, 20. maja 2017.

5. Učešće u edukativnom seminaru za glavne imame, profesore Kiraeta, muhaffize i voditelje škola Kur'ana na temu „Hifz – konceptualno i strateško opredjeljenje Islamske zajednice u Bosni i Hercegovini“ održanom u Sarajevu 2. 11. 2018. godine povodom Trećeg regionalnog takmičenja u hifzu Časnog Kur'ana čiji su organizatori Uprava za vjerske poslove Rijaset Islamske zajednice u BiH i Fondacija „Hifz Časnog Kur'ana“ Sarajevo, u saradnji s Fondacijom „Hamed bin Halid El-Sani“ iz Katara. Tom prilikom izložio je svoj referat na temu „Pozicija hifza u naučno-istraživačkim aktivnostima FIN-a“.

6. Učešće na stručnom seminaru iz tedžvida za imame Travničkog muftijstva u svojstvu predavača i stručnog saradnika, održanom 28. 9. 2017. u organizaciji Travničkog muftijstva.

2.7. Mentorstva nakon izbora u zvanje vanrednog profesora

a) doktorski radovi

1. Hfz. mr. Mensur Malkić, „Pauzalne i početne forme u svjetlu autentičnih kiraetskih verzija“, odbranjen na FIN-u 19. 06. 2019.

2. Hfz. mr. Abdul-Aziz Drkić, "Stilistički aspekti kira'eta", odbranjen na FIN-u 17. 02. 2021.

b) magistarski radovi

1. Hfz. Abdul-Aziz Drkić, “Usklađivanje tedžvidskih varijanti u Hafsovom rivajetu”, odbranjen na FIN-u 11. 04. 2016.

2. Hfz. Salih Halilović, “Metodologiju memoriranja Kur'ana u svijetu i u BiH”, odbranjen na FIN-u 27. 10. 2016.

3. Hfz. Alija Rahman, „Imam El-Kasim b. Firruh eš-Šatibi i njegov doprinos izučavanju kiraeta“, odbranjen na FINU-u 24. 10. 2018.

4. Hfz. Abdussamed Podojak, "Povijest nastanka i razvoja tedžvidske nauke", odbranjen na FIN-u 1. 06. 2020.

5. Hfz. Alen Kehić, „Doprinos kurra hfz. Asim ef. Sirće izučavanju tedžvidske nauke”, odbranjen na FINU 14. 07. 2020.

c) kurra hafizi

1. Hfz. mr. Alija Rahman, uručena mu idžazetnama za sedam kira'eta 18. 10. 2019. u Sarajevu

2. Hfz. Zubejda Gobeljić, uručena joj idžazetnama za sedam kira'eta 12. 05. 2020. u Sarjevu

2.8. Članstvo u naučnim, stručnim, upravnim i rukovodećim tijelima nakon izbora u zvanje vanrednog profesora

1. Član Vijeća za postdiplomski studij FIN-a

2. Rukovodilac Katedre za kira'et na FIN-u

3. Predsjednik Fondacije za učenje i promociju hifza "Hfz. Fadil Fazlić", FIN

4. Član sekcije za hifz, FIN

5. Član Upravnog odbora FIN-a

6. Član Upravnog odbora Instituta za islamsku tradiciju Bošnjaka

7. Potpredsjednik Komisije Rijasetu IZ za polaganje hifza

8. Član Komisije Rijasetu IZ za polaganje stručnih ispita

9. Član Ureda za rukovođenje vjerskim aktivnostima u džamiji "Kralj Fahd"

2.9. Objavljene knjige i radovi prije izbora u zvanje vanrednog profesora

1. Knjige

- *Veza između kira'eta i Osmanove ortografije Kur'ana*, FIN i El-Kalem, Sarajevo, 2005. (205 stranica)

- *Kiraeti u tefsiru El-Džami' li ahkami'l-Kur'an imama Kurtubija*, FIN i El-Kalem, Sarajevo, 2014. (374. str.)

- Hrestomatija tekstova u koautorstvu sa dr. Fadilom Fazlićem pod naslovom: *Da'va* (islamska misija), FIN, Sarajevo, 2008. (331 stranica).

2. Naučni i stručni radovi

1. "Nauka o završecima kur'anskih ajeta", *Zbornik radova FIN-a*, Sarajevo, 2004., br. 9, str. 53 – 65.

2. "Funkcija simbola u pravopisu medinskih mushafa", *Glasnik Rijaseta Islamske zajednice*, Sarajevo, 2005., br. 1 – 2, str. 69 – 78.
3. "Tefsirski aspekt kira'eta", *Zbornik radova FIN-a*, Sarajevo, 2005., br. 10, str. 87 – 101.
4. "Uzajamna povezanost kur'anskih dijelova i cjelina", *Zbornik radova FIN-a*, Sarajevo 2007., br. 12, str. 71 – 87.
5. "Ebu Amr ed-Dani i njegov doprinos kira'etskoj nauci", *Glasnik Rijaseta Islamske zajednice*, Sarajevo, 2008., br. 7 – 8, str. 607 – 617.
6. "Imam Eš-Šatibi – velikan kira'etskih nauka", *Glasnik Rijaseta Islamske zajednice*, Sarajevo, 2009., br. 1 – 2, str. 12 – 25.
7. "Dijalekatske razlike među kira'etima", *Zbornik radova FIN-a*, Sarajevo, 2010., br. 14, str. 43 – 59.
8. "El-Kurtubi – slavni andaluzijski mufessir", *Zbornik radova FIN-a*, Sarajevo, 2011., br. 15, str. 75 – 88.
9. "Utjecaj kiraeta na primjenu pauzalnih formi u Kur'anu", *Zbornik radova FIN-a*, Sarajevo, 2012., br. 16, str. 57 – 68.
10. "Učenje (tilavet) i promišljanje (tedebbur) Kur'ana", *Glasnik Rijaseta Islamske zajednice*, Sarajevo, 2013., br. 11 – 12, str. 917 – 923.
11. "O glasovnom efektu Kur'ana", *Takvim*, El-Kalem, Sarajevo, 2013., str. 85 – 93.
12. "Kur'anski edeb – principi ophođenja prema Kur'anu", *Glasnik Rijaseta Islamske zajednice*, Sarajevo, 2014., br. 5 – 6, str. 455 – 466.
13. "Metodološki pristup kiraetima u djelu Me'alim et-tenzil imama El-Begavija", *Zbornik radova FIN-a*, Sarajevo, 2015., br. 18, str. 79 – 88.
14. Kur'anski vird – kontinuirano učenje Kur'ana, *Takvim*, El-Kalem, Sarajevo, 2015., str. 19 – 28.
15. "Umetnuti (el-mudredž) kiraeti", *Zbornik radova FIN-a*, Sarajevo, 2016., br. 19., str. 19-30.

3. NASTAVNO-PEDAGOŠKI RAD

Kandidat hfz. Dževad Šošić je 1997. god. angažiran kao asistent, a zatim 2011. god. kao docent u prvom ciklusu studija na predmetima "Kiraet (Učenje Kur'ana)", "Da'va (Islamska misija)" i "Kur'anski pravopis". Na magistarskom studiju držao je predavanja o različitim aspektima kiraeta Kur'ana u okviru tefsirskih disciplina, a nakon toga angažiran je u nastavi na master studiju u sklopu Modula *Savremene tefsirske studije i Šeriat u savremenim društvima*. Kao vanredni profesor od 2016. god. predavao u sva tri ciklusa studija sljedeće predmete: Kiraet (prvi

ciklus), Kur'anski pravopis (drugi ciklus), Metodologija izučavanja i primjene Kiraeta (treći ciklus). Na temelju uvida u realizirane planove i programe te nastavnički i pedagoški rad, može se konstatirati da dr. hfz. Dževad Šošić posjeduje kompetentna i stručna znanja iz predmeta koje predaje te da je svojim pedagoškim i didaktičkim sposobnostima u radu sa studentima dao izuzetan doprinos razvoju odgojno-obrazovnog procesa na Fakultetu islamskih nauka, kao i stručnom profiliranju našeg mladog kadra, teologa, imama, islamskih pedagoga i vjeroučitelja.

MIŠLJENJE I PRIJEDLOG KOMISIJE


Na temelju detaljno izloženih dionica ovoga Izvještaja, Komisija jednoglasno smatra da kandidat za redovnog profesora, kurra hfz. prof. dr Dževad Šošić ispunjava sve predviđene uvjete za izbor u zvanje redovnog profesora za naučnu oblast Kiraeta. Kako se jasno vidi iz Izvještaja, od izbora u zvanje vanrednog profesora kandidat prof. dr Dževad Šošić objavio je dvije knjige, k tome, objavio je dovoljan broj naučnih i stručnih radova u relevantnim publikacijama i časopisima, uredno je vršio dužnost mentora za doktorande i magistrande, te uspješno priveo kraju sva povjerena mu mentorstva, nadalje, uredno i pravovremeno držao je nastavu i predavanja na nekoliko studijskih grupa na Fakultetu islamskih nauka iz disciplina naučne oblasti Kiraeta. Dodajemo da je kurra hfz. prof. dr Dževad Šošić učestvovao i na mnogim respektabilnim naučnim skupovima i zapaženo realizirao naučne i stručne angažmane (predavanja, članstva u komisijama) iz svoje naučne oblasti, a posebno ističemo njegova mentorstva i članstva u komisijama za učenje i polaganje hifza.

Ovdje posebno ističemo da je kurra hfz. prof. dr Dževad Šošić u našoj naučnoj i ulemanskoj javnosti poznat i priznat kao vodeći kurra hafiz i univerzitetski profesor koji na području naučne oblasti Kiraeta ima najviši autoritet koji mu priznaju hafizi u Bosni i Hercegovini kao i mnogi hafizi u svijetu.


Sve ovo, kao i sve prethodno što je navedeno u ovom Izvještaju, opredjeljuje nas da Vijeću Fakulteta islamskih nauka u Sarajevu svesrdno predložimo kurra hfz. prof. dr Dževada Šošića u zvanje redovnog profesora na naučnoj oblasti Kiraeta.

U Sarajevu, 18. april 2022. godine

1. Dr. Enes Karić, redovni profesor (oblast Tefsir)
Fakultet islamskih nauka u Sarajevu, predsjednik



2. Dr. Džemal Latić, redovni profesor (oblast Tefsir)
Fakultet islamskih nauka Univerziteta u Sarajevu, član





3. Dr. hfz. Safvet Halilović, redovni profesor (oblast Tefsir)
Islamski pedagoški fakultet Univerziteta u Zenici, član